

GAGAK KAMBING
Black Magpie

FAMILI: Corvidae
NAMA SAINTIFIK: *Platysmurus leucopterus*



CIRI-CIRI

Spesies burung ini keseluruhannya berwarna kehitaman kecuali terdapat jalur putih di sepanjang sayapnya. Ia mempunyai ekor yang agak panjang dan lebar. Diperhatikan terdapat jambul yang pendek di kepalanya dan spesies ini mempunyai mata berwarna kemerahan. Bagi burung juvenil, warna badannya adalah lebih pudar dan jambulnya adalah lebih pendek. Anggaran saiz bagi burung ini adalah di antara 39 sm-41 sm.

MAKANAN

Ia merupakan burung yang bising dan menjadikan katak, ular kecil, serangga dan buah-buahan sebagai makanannya.

HABITAT

Burung ini biasanya boleh dijumpai di hutan dipterokap, hutan tanah pamah, pinggir hutan dan kadang kala boleh dijumpai di kawasan paya bakau. Spesies ini boleh dijumpai sehingga ketinggian 215 m dari aras laut.

BUNYI

Burung ini mengeluarkan bunyi yang kuat *keh-eh-eh-eh....* dan *tok teklingk-klings-klings...*

PEMBIAKAN

Musim membiak adalah dari bulan Disember sehingga Mei setiap tahun. Sarangnya selalu dibina di kawasan semak sehingga ketinggian 3.0 m dari paras tanah. Burung betina menghasilkan 2-4 biji telur pada setiap kali ia bertelur dengan anggaran saiz telurinya 30.4 mm X 23.3 mm hingga 33 mm X 24.4 mm.

STATUS

Akta 76/72, dipelihara sepenuhnya. IUCN, hampir terancam.